

兩浙輶軒錄補遺

兩浙輶軒錄補遺卷八目

劉 桐 王翰青 王德溥 張 鎮 金 福

倪象占 王志熙 史節音 王宗桓 陳念本

張 慎 沈鳳彩 王 潢 周人傑 胡之楠

沈德毓 石中玉 吳 鏡 趙承錫 吳友松

顧 桐 馬 燾 陳孝達 金以報 陶 瑄

馮省槐 郭又隗 蔡永泊 沈 燠 祝維健

邵 桂 沈志學 陳敬禮 吳嘉績 陸錮蕙

沈廷宜 錢廷烜 丁授經 汪 潮 陳 貞

汪應爵 邵 涵 高 淳 郭 鳳 戴 松

陳敬畏 邵 源 吳克勤 鍾誠宜 郁心哉

陳 寶 張 炎 朱 彭 奚 岡 宋大樽

張 龔 徐 鯤 曹秉鈞 俞寶硯 史正義

龔培序 鮑吳條 龔培學 邵 溥 龔 原

馬 相 邵志望 徐明極 沈元鋸 馬 鎬

龔大銳 毛儀點 蔣清漣 鄭 筠 華 瀚

顧 鵬 吳東發 宓 英 盛炳煇 周如旋

吳元燈 石大成 陳仁言 何 魯 李 璜

楊裕曾 韓 棟 韓 琛 徐名英 曹廷文

蔡星查 魏光烈 華日融 楊紹裘 張維宗

馬 緒 周光葆 汪大椿 柳賁然 柳兆烈

林中麒 余開泰 錢繩祖 葉錫元 謝輔丞

兩浙翰軒錄補遺卷八

劉

桐

字舜輝一字疏雨烏程貢生著

張鑑曰疏雨性豪爽好賓客積書至十餘萬卷凡宋
及精寫本不惜兼金羅致插架之富自天一閣瓶花齋
而外莫之及也時與嘉定錢竹汀宮詹及吳縣黃藁圃
錢塘何夢華輩相往復故鑒賞尤精核鑑館於其家垂
十載每得異書輒相欣賞自疏雨歿而郡之汲古者尠
矣詩初學鍾譚後漸臻大雅余嘗題其楚遊草云不向
嶽歸堂下過那教分得竟陵燈蓋紀實也七律多新穎
如寄內云蘆花定不教兒著斗酒還應待我需聞蛙云
青草池塘驚夢後黃昏
風雨惜花時餘多類此

幽居

焚香得自適
鍵戶若為親
獨恨無山看
還欣有竹鄰
未霜憐病葉
苦雨斷來賓
不改貧居樂
端如古疾民

次徐芷堂先生秋海棠元韻

清秋乍可逞風光
天與嬌妍漫自傷
睡起庭陰成獨笑
曉寒

簾外有微霜從教閉戶人如玉若箇看花鐵作腸最是半開
時節好亭亭低亞小書堂

蟋蟀聲中未卸裝藥名怪底有蛇牀風前弄影貪秋爽夢裏
懷人泣夜涼衣袖薄垂天水碧額頭分點鶴翎黃舊巢回首
今何似落葉飄飄引興長

春園卽景

曾是輕寒薄暖天園居肯爲俗情牽翫來芳草人皆韻開到
名花畫亦妍突兀山容當戶外參差竹影映簾前興闌把酒
渾忘倦聽取春深鳥語圓

王翰青

字鄂舟一字鶴野歸安諸生

楊秉初曰鶴野少穎悟試輒高等困於場屋詩以清麗
爲宗下筆千言立就酒邊花外時倚新聲王蘭泉少司
寇嘗器重之庚申歲予僭學烏程茗郡詩人爭相稱道
未幾聞以疾卒今春何君夢華出其遺稿亟登數首不

勝懷舊
之感

擣衣篇

織雲四卷月如練蕭颯冷風檣鐵戰攬衣寂靜下階庭蟋蟀
喧秋人不見井梧搖落井泉乾輓轡千尺腸俱寒擣衣擣衣
聲不止衣碎妾心心不死回頭空幙秋氣涼爲君添製棉衣
裳別來瘦損難意量密密緘愁鍼線箱衣在妾邊君仍單擣
衣容易寄衣難覆衣褰帷上牀寤夢中常到遼陽路

唐六如先生墓

風雅吳中此絕倫荒墳約畧草如塵疏狂名士有人淚狼籍
桃花無主春兒戲文章歸畫意天真爛漫悟仙因可憐四百
年來事猶認南宮發解人

過劉疏雨書齋

兩湖華車錄存遺卷八
幾年羈旅隔天涯心每相親蹟甚賒
衝凍徑來謀社酒討春先喜見唐華
水精簾卷明于日雲母窗虛白勝沙
衰拙定慙珠履客墨莊偏許問籤牙

嚴鐵橋招同楊萸泚雪篷昆季范白舫張秋水修禊東郊汎舟遇雨歸飲白舫鷗波小閣分賦

刺眼繁華又一新流觴寧減永和春
谿山無恙供清集風雨何能困酒人
劇笑折巾如郭泰居然投轄並陳遵
南郊雞黍招邀便祇恐狂歌聒比隣

王德溥

字澹和錢塘貢生著寶日軒詩集

湯禮祥曰先生篤於友誼有古君子風詩不煩繩削自合規矩其事蹟見杭堇浦太史所爲墓碣中

雲門寺

布襪青鞵試一尋溪橋深處啟禪林
山光自昔當人面海衆

猶懷見佛心靜裏妙香風細細閒中清籟畫沉沉置身此地
眞蕭爽時有祥雲護碧岑

看山樓對雨

暑氣全憑急雨收望中景物接天浮山含鱗甲迷千樹風吼
熊羆撼一樓土潤不愁龜兆圻地翻更愛穀紋稠生涯自媿
多慵放欲荷蓑衣向龍頭

張

鎮

字南華一字小山歸安諸
生著有叢桂山房吟草

張鑑曰從弟於丙辰歲郡試受知于雲臺夫子補弟子
員乃益發憤閉戶攻書遂得上嗽之疾庚申卒於家鑑
因詮次其詩上中丞師俾得著於錄吁可慨矣弟性謙
和尤孝友著述多有然不可收拾其存者詩五言如樹
古花俱瘦人稀草不除春歸花影瘦夏入樹陰齊鳥共
春風語帆隨落日懸花氣濃薰酒山光冷壓船七言如
秋草云從教過騎俱驚暮好語寒
蟲莫問年皆有造詣爲不苟也

答友人

白雲圍戶修竹覆廬我愛其靜稱心而居琴書是樂樽酒相
娛每有疑義晨夕起予

翩翩飛鳥鬱鬱長梧雲垂繁蔭風扇微和汝陰余息我歎爾
歌搔首絲邈愴如之何

招涼小坐

靜坐蕭齋意渺然招涼漫倚石闌邊半簾花影澹宜夢一榻
松風閒似禪欲遣新愁情脈脈尋思往事恨綿綿泥人最是
初弦月相對清宵各未眠

久掩松扉歎索居燈前空自負三餘殘書半爲愁中廢好友
多因病後疎荷葉欹綠新露重鐘聲靜在薄寒初遙知今夕
清光徧報道平安莫倚闥

北戶望洞庭山

杳杳復冥冥，遙山是洞庭。有時如擁髻，何日好揚舲。澗戶通
雲氣，軒窗辨樹形。龍威不可見，七十二峯青。

金

福

字介堂，仁和，增生，著介堂吟稿。

湯禮祥曰：先生博學多文，困於場屋，遂游秦蜀楚粵，所到知名。嘗主橫渠講席，十四載爲諸生，僅有之事。詩宗法少陵，多沈雄之作，又長於集。杜王蕭泉少司寇，寇常推重之。

衢州登眺

三衢天險扼重城，傑構由來望不平。地接閩甌爭海勢，氣連
風雨壯江聲。陡開雲閣千尋拔，暗渡菱池百尺橫。前日夢游
今始到，况逢客裏報新晴。

重登滕王閣

傑閣巍峩跨十州，東南勝地足遨遊。初歸嶺海三千路，重上

章江第一樓。

石壁鑄西江第一之樓六字。

極浦閒雲停暮靄，半篙新月起

沙鷗命屯莫怨王生薄賦後誰將姓氏留

倪象占

字九山象山優貢生官嘉善縣訓導著有青橋館詩稿

揚乘初曰九山先生性順寡言語弱冠從姜白巖先生遊卽爲先生器重後館郡城廬青崖先生家盧氏有抱經樓藏書數萬卷九山俱經手校乃作抱經樓藏書記一篇石刻行世與陳旭峯之綱周竹崖光裕邵雙橋洪阮寶殿增榮諸先生有金蘭之契而學益精進詩格雄渾直窺唐宋大家門戶乘鐸魏塘造士有法至今猶多遺愛云

望太湖

飄泊江東容扁舟乍入吳一身離大海雙眼到全湖斜日明飛鳥寒烟隱釣徒平生歎張翰不早爲蓴鱸

山夜

寂寞中宵坐空山入夏來燈孤人影散花落雨聲催書劍情猶在關河夢未回雲深龍窟近高枕有輕雷

己亥除夜紫陽書院寓居偶賦

冉冉征途與歲遷忽來山閣更茫然渡河三豕餘今夕赴壑
修蛇又一年石氣侵燈寒未散鄉心到枕夢長圓却占晴色
看星斗已有春風播九天

王志熙

字維清一字修竹嘉善人著有畸香廬吟稿

嘉善縣志修竹性恬雅工詩古文與醜落筆淋漓自喜兼善畫有論畫詩百絕

清明前二日同人招遊西湖

禁烟時節雨初晴面面湖光照眼明隔岸桃花無定態出山
泉水有餘清青簾逐隊香成國畫舫駢筵酒作兵向晚不愁
歸路寂開頭先有白鷗迎

史節音

字聲五一字翦帆象山人歲貢生著有客歸草

錢沃臣曰翦帆先生余受業師也事親至孝處鄉里和而有介氣誼敦篤可寄死生詩文尚清麗

寒夜

蛩聲唧唧漏聲沉有客低垂促短吟
世事瀾翻爭似舊別來冷落到如今
獨研卷帙消閒悶誰話寒溫愜素心
永夜挑燈人欲倦怕難安枕一孤衾

王宗桓

字思正一字潛庵嘉興監生著有耕雅樓詩鈔

張廷濟曰潛庵性友愛工書畫並精醫學葬書錢宮詹大昕志其墓

新坊鎮訪戴登詹宮桂秀才

憶昔相逢日扁舟話獨深

壬子春遇於舟中

十年顏色改一別信音

沉喜有橫經問因之冒雪尋案頭滿珠玉許我共披吟

晉著有新

坊草新谿草又

陳念本

字厚培一字寄園海寧人官廣東惠州府經歷

戚芸生曰寄園粵東屢視縣篆有廉聲病歸惟詩酒自娛善行楷頗得祖閣學范廬家法易簣時致書別友猶

能懸腕作字詩蒼秀
天然不依傍門戶

病起書懷

俄驚飛雨過前楹暑退涼生枕簟清人沒最宜秋氣味官閒
消得病心情療饑難乞長腰米煮藥頻燒折脚鎚臥穩經旬
忘世事又傳書札自羊城

舟中讀劍南詩做其體

卅年身世轉蓬勞江上青山笑髯毛人本長貧無礙瘦官麤
寫意不求高愁生烽火鶴原草夢聽秋聲馬鬣濤任是無田
歸亦得涼州終不換葡萄

張

慎

字謹臣一字南廬海鹽諸生著南廬詩草

翁寶華曰南廬狷謹無世俗好與同里陸太冲吳石帆
輩結詩文社工書得二王筆法嘗以所書署文衡山款
賈人攜去得重值以售惜早
卒未竟所詣子敦善有父風

中秋泛月南北湖

把酒問明月清光為誰發當年孫許爾何人
早來高占烟霞窟今我來思蘆荻秋湖風山月
進扁舟鶴歸不見雲村隱吟罷難邀鐵笛遊
湖北湖南浩無極明月迢迢總一色水底峯
嵐看欲飛烟中笑語聽難識何日還攜鷗鷺
羣百壺傾倒各殷勤此間自有湖山主可惜
風光不待人

沈鳳彩字儀甫一字梧堂石門廩生

方薰曰沈君幼負異稟讀書輒挾其奧性至孝家貧悉讓于弟奉父遷居秀水之澗院業醫為養所著有葵園

草詩

秋夜山中

山夜不見人孤村滿烟霧幽客每獨往明月在高樹影入孤
澗中流聲得天趣俯仰覺清曠白雲閒去住若然忽長嘯空

翠滴如雨此境非人間行行忘歸路

登吳江埭

古埭江城外晴來獨自登吟風多夕鳥掃葉半秋僧野屋黃
花遍雲帆翠靄凝息機閒靜境何處避秋憎

王

潢

字聚五一字慎齋秀水人著有雪鴻小草

楊文藻曰慎齋先生名家子工詩善書以家貧遊粵復遊閩病瘵死所存雪鴻小草筆意清挺長子茂才楨工書

卽事

時粵東歸舟作

風向西南吹客向東北去去者不得行來者不肯住引領望
江南長空迷遠樹本非一葦杭更隔于山路由來遠歸人望
家心若注疾行猶嫌遲况乃不得渡寄語石尤風莫令波濤
怒荻蘆不同頭日落蒼山暮

江行雜詩二首

星如江底種雲在樹頭行獨有南飛鵲無人夜自驚
江黑月初上山昏雲未開夜深林樹響疑是雨聲來

周人傑

字泰交一字璜
海寧優貢生官高州知府

答林芳榭宿遷贈別

一抹濃陰望裏斜晴波暖漾水梭花同舟半是同心客異地
全非異品沙入世正宜裁雅韻出門端不悅紛華一杯餞後
蘸清露到處吟成五色葩

胡之楠

字笠菴嘉興監生
著花隱居詩鈔

登上永福寺

縱步巉巖脚喜輕好山探得幸餘生如梁瀑指雲邊落似鏡
湖看樹裏明地靜僧寮堪借榻竹高我輩許題名香風吹過

紅塵斷草木多含太古情

沈德毓

字韶華嘉興廩生著有稚春集

徐雄飛曰稚春精岐黃術懸壺市隱手不釋卷漢塘布衣吳肇澄精貫史學無知之者稚春獨虛已下之論詩暇鶴葉橫山所作皆清新避俗兼工長短句在石帚玉田之間

古意

鏡檻瑣窗西墮曉曙色迷畫眉人未起愁絕畫眉啼

春草

風光浮不定生意一番新碧混遙天影香回大地春燒餘痕盡沒雨過望初勻又見王孫路香車碾翠茵

石中玉

字亭立一字璞齋太平拔貢生

和陳國載天際樓韻

九日逢知己登樓興倍清遠山皆有色墜葉不聞聲佳菊猶

餘把輕綃自寫情

偶作小

要知崔氏宅終藉杜陵名

吳

鏡

字靜若一字穆齋錢塘人

客舍

舍北無詩伴溪南有酒家疎狂憐薄醉寂寞笑生涯樓迴長
留月牆低不礙花
遶幽興極城鼓已三擱

趙承錫

字若榮一字敬齋錢塘布衣有香遠堂稿

雨後

雨聲在荷葉虛館忽生涼
獨對孤燈坐閒斟濁酒管螢光流
暗壁蛩響亂迴廊
漸覺增秋思宵分旅夢長

吳友松

字秋鶴秀水人

小滄浪筆談秀水吳秋鶴友松詩才清逸尤工填詞著有野花詞話自少幕遊山左以療疾卒

甲寅南歸留別山左同人

十年囊底一編詩歸去鱸魚正美時
便擬全家浮小艇不勞
遠寄草堂貲

百年風雅說漁洋歷下亭空蔓草長
最是秋來幾株柳江南
夢遠未能忘

顧

桐

字嵩喬一字鑑沙又號小癖慈谿諸生

鄭勳曰鑑沙先生一生好古築伴梅草堂以儲書畫金石吾邑自漢唐來從無彙選邑人詩文者先生搜尋遺佚自漢迄明雪抄露纂晚年病每以爲勳可付托勝勳游武林歸則先生返道山問所藏已散佚可慨也

題鄭簡香二硯窩

太史風流存手澤二硯題銘猶可識百靈呵護幾多年
焚惑雖頑燒不得想見當時司白雲珥筆爰書愼區畫
公餘詩酒集駕行染翰聯吟詠風月乘符出守治高涼
孝肅清廉同盡職倦游泛棹賦歸來攜取端瓊壯行色
只今覩物緬前徽

兩浙翰軒錄補遺

卷八

顧桐

題

九

手摩挲增慨惻小者澄泥三寸強大號水坑不盈尺黃雲綠
繞麝煤浮紫氣氤氳墨華積文孫好古重先型朝夕披吟佐
几席首成佳詠紀源流遍採瑤章牋屢攀蘭茗翡翠各呈奇
要與家珍同壽石飲君英俊紹箕裘年少多才富學殖孝思
雅欲表清風小築書堂藏二璧我與君家本世姪厚誼深情
猶似昔願君珍重繼芳徽早立勳名揚祖德

馬

燕字鳴遠一字晴
江海亭貢生

楊秉初曰晴江少負不羈才中年後絕意
進取以吟詩課子爲事子世芳克承家學

采桑詞

幾番風雨落殘紅
贏得柔桑曲徑通
少婦不知花事盡
春光猶在綠雲中

陳孝達

字中臺一字蕉
崖海寧諸生

陳傳經曰蕉崖從父詩初學元人佳句如草荒院落蚊
成市金盡牀頭鼠數錢極工中歲遊蜀中格益蒼秀

雙林道中

微風生夕波落日捉孤槩一聲何處鐘但見烟蒼莽

入峽

芙蓉瘦削夾江濱路下瞿唐險乍聞怒石立爭千疊浪哀猿
啼破萬重雲日橫半嶺陰晴異峽鎖中流楚蜀分瞬息輕舟
飛鳥過巫峯回首氣氤氳

金以報

字燕香柳鄉諸生

題春山索句圖

早拂吟鞭向翠隈堤邊芳草畫圖開遙山一帶青如薺儘與
詩人拄頰來

陶

瑄字磐符一字澹園秀水人著澹園詩存

兩浙輶軒錄補遺

卷八

陳孝遠馬身魁

金以報

陶瑄

十

聞湖詩鈔澹園雅負詩名集中句如宿雨初收啼鳥倦
午風徐定落花多雞豚社散酬春酒鷗鷺灘深泛釣船

矜錄
可誦

與婦夜話

却又逢災歲更相爲命時空臨乞米帖枉賦送窮詩愁悶終
何濟啼號轉覺癡淒涼窗外月伴我坐遲遲

馮省槐

字廷序一字虛隱桐鄉貢生
官錢塘縣訓導著蜀道吟

微雪進潼關

勢控巖疆畫井陘雄關虎踞鎮邊庭黃河九曲縈如帶太華
三峰削作屏寒氣侵衣微霰集遙天極目暮雲停欲憑短笛
吹鄉思隴上風飄柳色青

郭又隗

字天池一字月卿平湖
諸生著有小遊仙集

徐熊飛曰月卿十三歲咏史有奪杯澆塊壘拍案哭英雄之句人爭傳誦初名又泰改又隗號卧隱子名其詩

曰小遊仙集皆讖語也歿之前一月夢中得句云白鶴飛來足帶雲山頭松柏古時春野夫無事日高卧不見
東西南
北人

秋日早行

孤客侵晨發江干落月低烟光和夢斷鳥語雜雞啼日暖開
霜路風高急馬啼禦寒尋酒母直過板橋西

暮春遊查園

名園重到惜春殘細雨莓苔滿地寒腸斷江南庾開府落花
時節又憑闌

蔡永治

字拙菴武康人著有字香書屋集

徐熊飛曰拙菴爲芝坪山人長子朝耕暮讀至性過人
山人有所適拙庵捧杖以從飲食非親烹不進中衣屨
脰必手自漚澣山人卒拙庵號慟七日嘔血
而死殯時黃芝生于棺下咸謂孝感所致也

釣叟

兩浙輜軒錄補遺

卷八

郭又晚祝維健

蔡永治

沈燭

士

最是忘機者溪邊垂釣翁全家風柳岸一笠浦雲中小艇載
明月危橋泊短篷往來若覺路身在水晶宮

沈

熈

字寶雲一字星崖秀水諸生著星崖吟草

施嵩曰星崖慷慨負氣節弱冠後游幕于外山水登臨
之作居多嘉慶丁巳應典義邵太守之聘會苗匪滋事
星崖率鄉勇登陴堵禦爲飛礮所中致
疾卒稿亦散佚茲所錄者乃其少作也

秋日廬城晚眺

漫天葉落盡秋風今古蒼茫一望中金斗分明廬子國
指點梵王宮蜀山負郭雙峯削淝水環城一葉通千載詩人
鮑明遠讀書臺畔夕陽紅

祝維健

字苻洲一字月潭海寧諸生

九月東謝未山

重陽又見逼人來
苦恨繁華霜鬢催
畢竟逢辰須落帽
可能

扶病也登臺杜陵且賭明年健桓景先消此日災愁裡光陰
容易老好將懷抱暫時開

邵

桂

字香翰一字紅是德清諸生有愛餘樓詩稿

施嵩曰紅是天姿穎敏幼負神童之目既客齊魯會同里嚴圭木宰章邱延之校士從遊者日衆陸凝山贈集唐四章有舊時桃李栽培久魯國諸生半在門之句

梅雨有懷少峯

連日疎朋好何因懷抱開單衣遲白苧積雨過黃梅想得幽
人宅應生小閣苔衝泥愁路滑未墊角巾來

沈志學

字心怡烏程人

唐晉錫口心怡恬波樂道爲時所稱

題張隱居水閣

羨君卜築近烟波白板疎籬映薜蘿新漲到門澗沃好綠陰

兩浙輜軒錄補遺

卷八

邵桂

沈志學

陳敬禮

主

滿屋夜涼多半簾花影棋初下一榻松風夢乍過攜得絲竿
隨處釣不須風雨覓披蓑

陳敬禮

字與伯一字邛浦海寧
恩貢生有知服軒吟草

陳傳經曰邛浦從兄少負時譽既壯子然獨處如老
爛頭陀恒鬱鬱不得志而詩筆清婉和平無牢騷氣

僧齋

避蹟遠塵囂僧齋守寂寥微紅鮓放檣嫩綠牖橫蕉鄉思燈
前雨詩情夢裏潮故人詢近狀云我寄鷓鴣

舟中

船舫東風急扁舟轉碧灣晚潮聯斷岸春霧失遙山光景時
堪愛行藏我獨艱鄉園千里隔何日夢刀環

吳嘉績

字錫袞一字竹
秋嘉興諸生

俞寶華曰竹秋性耽吟味惜
詩稿厄于火僅得次韻數首

荷葉次韻

陂塘瑟瑟午風牽，不數葦絲與荇錢。
隔水東西分掩映，點溪下上淨澗沿。
涼雲傍檻朝臨鏡，疎雨連江夜泊船。
好是月斜香冷後，露珠低綴碧涵天。

陸鍾蕙

字繡蔣一字清溪平湖歲貢生著有香樹吟

題村店壁

雪花一丈摧倒牆，西家黃犢凍欲僵。
野夫赤脚踏冰去，獨木橋邊新酒香。

沈廷宜

字桂堂秀水諸生

宿金粟寺

聞道苾羅樹，禪扉舊著名。
貝書千卷在，佛火一星明。
風曳松聲靜，山含曉氣清。
始知方外好，閒坐證無生。

錢廷烜

字宣之一字蘅
阜仁和諸生

俞寶華曰蘅阜嶼沙先生文孫綺歲清才詩文雙絕與
叔部曹枚廣文林有三羅之目顧連上有司不得志憂
能傷人竟以疾沒于京師余哭之云吟才
秀合金荃並酒病深惟銀鹿知傷何如也

隅園看梅

爲問春何許招邀探早梅南園三十樹昨夜幾枝開影瘦臨
波照香甜惹蝶催橫斜隨處好攜手重遲回

丁授經

字綱土一字連
莊歸安優貢生

陳鱣傳畧蓮莊通經博學與弟傳經有雙丁之目居京
師佐其友嚴錢橋孝廉造甲乙丙丁長編以校定說文
病痢亟猶爲錢橋論古音分部
之疎密并剖疑義十餘事而卒

泊米灘

灘在
徽州

扁舟小酌晚風清一枕陶然醉後情野鶴唳空驚客夢灘聲

誤認作潮聲

宿西樂庵

庵在歙縣

朝遊溪上山暮宿溪邊寺流水空人心泠泠雜松吹夕陽照
僧房修竹自娟媚對此澹忘言幽然悟禪意

汪

潮字慕韓一字曲江桐鄉諸生

三月三日同人小飲牡丹花下

清芬入座午風晴接席無非浚蕩人花下停杯忽不語傷心
非是惜餘春

畫簷曾憶倒金卮縱酒高歌自笑癡芳草已非人已去幾人
能讀壁間詩

送大兄遊黟山

雲海沉沉晚嵐風下碧空僧家愁酒少山鬼愛詩工帽影千
巖裏花塵三月中不辭騎瘦馬聯轡與君同

陳貞

字天士秀水人著松村詩稿

蘇後序畧曰松村有濟世才淹蹇不遇游於燕山聞嶠其詩豪邁歷落純以氣行乎其間所刻有松村詩稿皆可傳

題潘楚吟停帆寓齋

米顛一葉圖書擁小槩疎簾到處家昨夜夢歸江水上白雲秋色滿蘆花

汪應爵

原名濂字霽堂一字宋溪桐鄉諸生著宋谿詩集

南野堂筆記桐溪汪氏兄弟徙居秀水之金陀坊長根湖名源次左湖名湄其季霽堂名濂皆受業於先君子霽堂幼慧尤為先君子所愛其後根湖早卒霽堂亦辭世無子

無題

幔繩金麥粲流蘇睡鴨沉香細欲無好遣夢通簾押下不教難見恨菖蒲

邵

涵字价藩一字東里嘉興諸生著有花溪吟草

南湖采蓮曲

烟波一碧花無數
蘭橈忽到雲深處
黃螺翠袖映波光
蟬鬢珠環濕香露
鴛鴦湖水綠于莎
橋外菱烟漠漠斜
紅衣照影迎秋色
白鷺因風帶晚霞
花明素暗疑風雨
宛轉柔情溯前浦
郎情空比藕絲長
妾意真同蓮子苦
含情怕采相思莢
魚風起秋瑟瑟
葉底分香高髻垂
船頭弄水羅衣濕
年來總斷腸
畫船三板水雲鄉
凌波不盡風前恨
一曲清歌對夕陽

夕陽

高

淳字漢書海鹽歲貢生有潛心齋吟稿及陸游南唐書補注

秦溪曲

秦駐山頭海日明
秦駐山下海潮生
阿儂會上秦山頂
日出

金蛇百道生

海底蛟龍伏水長海中波浪拍天狂願儂莫作望夫石勸郎莫出女兒洋

郭

鳳

字友桐一字雪樵嘉興人

華日南曰雪樵入分仿曹全碑畫學丁頭皴法所居三
橙不蔽風雨屋後隙地數畝種竹編籬饒有幽趣雪樵
嘗于秋晚步園中拾柿葉置之几上偶懷一友成一詩
即取一葉書之積至數十番乃從郵筒馳寄其逸致可
也

木山圖爲楊未孩作

老泉昔日有木山其形突兀三峯環誰與題者梅聖俞數百
年來無追攀未孩何處亦得此崖懸峯立得無似疑有雲烟
時吐吞不違咫尺勢千里此木無論材不材不知幾經炎寒
來致使蟠錯成異狀陰崖窮谷埋塵埃一朝偶落詩人手置

之虛閣亦云久我今揮毫寫斯圖意匠幽妙亦未有

戴

松字楚香平湖監生

朱爲弼曰楚香詩恬澹入古五七律尤工著有蘭軒詩草兼工岐黃術余于丙辰秋抱沉痾楚香藥之而愈每過從必書近作見示未嘗不稱善也今楚香沒已三年矣編錄遺詩不勝撫然

過嚴子陵釣臺

絕壁凌霄漢澄江一綫通高臺山色裏孤棹夕陽中草莽干
星象功名老釣翁寥寥千載上箕穎接清風

初冬感懷

結茆何處避塵喧擬向山中學灌園壯不如人悲燭武世無
知己感虞翻對妻愧作牛衣泣見客羞將馬齒論惟有疎狂
情肯減高歌終日掩柴門

陳敬畏

字寅仲一字墨莊海寧人著貧香齋詩鈔十卷

陳焯曰寅仲爲吾宗誰國詩老

次子十二齡卽工詩兼精篆刻

俞寶華曰墨莊綺歲工詩同社推爲畏友惜早天故集

中古體未能蒼老律絕則清麗爲隣矣沒時婦祝墜樓

以殉幸不死茹荼撫孤廿餘年如一日尤可敬也

舟中坐雨

一幅輕帆掛平湖泊畫船樹頭迷亂鳥屋角出炊烟漁唱菱

塘畔樵歌葦岸前篷窗凝望眼隨意賦詩篇

邵

源

字崑源一字虛白平湖廩生著有花間草堂集

徐熊飛曰虛白工填詞詩多古意新聲嘗於除夕冒雪尋沈南渚黑蝶齋舊址賦詩忘返

隋宮詞

花滿雷塘春滿樓錦帆縹緲下龍舟笙歌未斷烽烟起無那

垂楊葉葉愁

題徐雪廬六花詞

簪花妙格寫蠻牋紅豆烏絲絕可憐想見小樓人未寢挑燈

同譜鵲橋仙

詞爲淑配碧雲女史手錄

吳克勤

字天佑錢塘諸生

俞寶華曰天佑經術甚深詩亦雅秀中年不得志隱于酒而卒

春草

從知春意暗中還一片茸茸色漸斑破冷嫩銷三月雨如雲
春繞數層山詩情池上連宵夢書味窗前鎮日閒莫藉花茵
待花落入簾蔥蒨有無間

鍾誠宜

原名大復字綸恩一字懶堂海寧人著有助吟堂遺藁

查揆傳略曰黼堂爲東海半人弟才智警敏不屑拾人牙慧客游楚南以筆俸寄贖病兄配吳興戴亦工詩

對雪

啄玉時聞集暮鴉曉來冷巷少停車舞當碧落猶雲葉點入

寒江已浪花鶴驚風流思雅客書帷掩映稱吾家不須更畫
漁簑句景在林梢與樹叉

接家書寄內

白鹽赤米總難支斗室成懸賴爾持爲問綠窗刀尺暇教兒
新讀幾篇詩

郁心哉

字秋堂嘉興人
著有馬磨集

徐熊飛曰秋堂僑寓乍浦以沽菽乳爲生業初授之衣
積鼻之禪與市人雜處日仄輒行吟海上琳宮僧舍題
咏殆徧自稱龔獨腐儒新陸王墨
莊招致其家俾設藥肆未幾病歿

和王墨莊先生移居詩

占斷清陰數畝餘水村茅屋足烟霞先生不種門前柳漁父
空尋渡口花春暖聞鶯初轉藥月中放鶴自煎茶世人那得
知名姓此是方壺隱士家

重陽

旅雁苦于江上客黃花瘦似病中身生憎門外催租吏不是
籬邊送酒人

陳

寶字石壑
海鹽人

徐熊飛曰石壑湖跡澉浦市中筐筮斗斛之傍不廢吟
咏其詩天才俊發得區海目郵港若遺意惜早卒未竟
所業吳上舍寧錄其詩合許處
士裁詩刻爲激川二布衣集

懷心上人

昨夢蓮花界遠公林下逢登高共欣賞笑弄金芙蓉今夕還
相憶天風搖暮鐘峯巒九十九杳杳碧雲重

野外

樹隱前溪路柴扉傍釣灣斷雲欲墮水殘雨不遮山岸曠主
人懶忘機沙鳥閒偶隨田父語月出未言還

兩浙輶軒錄補遺

卷八

陳寶張炎

六

寄僧

昨夜東風與我期
梅花先爲放南枝
石床相對忘衾枕
坐到空山月上時

探梅

吳山越水望迢迢
獨抱孤琴過野橋
身入大癡圖畫裡
千峯春雪未曾消

送友

嫋嫋東風颺麴塵
落花芳草又殘春
愁看江上千條柳
不解畱人解送人

張

炎字淡玉
海鹽人

徐熊飛曰淡玉託業甚微嘗賣餅平湖之清溪日屑爐
釜行吟村落間得句就村夫子索筆研書之餅爲兒童
攘竊一空弗顧也又有咏白菊
句云老圃月三徑曉霜秋一簪

歲暮抵家見庭前殘菊有感

歸去來兮歲又闌東籬對菊且爲歡風塵格外標清賞霜雪
叢中獨耐寒無復良朋同臭味幸畱晚節未摧殘多情只有
青山客遲暮相逢帶笑看

寄友迴文體

詩敲獨夜一庭荒寂寂情懷興感長卮酒赤霞濃映酒鼎浮
青篆細飄香離離月影搖花逕颯颯風聲撼竹廊時暮欲歸
愁道遠思君爲結九迴腸

朱

彭字亦篋一字青湖錢塘人貢生嘉慶丙辰徵舉孝廉方正著有抱山堂詩集

儀徵阮中丞傳畧徵士少卽以詩稱於時以詞賦補弟子員省試不遇詩益適宕不肯屑眉世故徜徉於西湖山水間者三十年余視學兩浙與譚名物掌故皆有所得丙辰

詔舉孝廉方正郡縣以名聞徵士固辭不就人益高之家素貧居恒著書不輟徵文攻獻爲武林談藪南宋古蹟攷

皆燬於火乃益刻勵爲吳越古蹟攷南渡寓賢錄書畫
所見集抱山堂集如千卷藏於家杭自厲樊榭杭墓浦
陳句山諸先生後詩不振者數十年徵士以雅澗清麗
之旨繼軌往哲杭之言詩者多以朱氏爲歸天之所爲
塞其迥者昌其文歟嘉慶八年余入
覲歸徵士已於八月四日卒年七十有三子二長咸次壬壬
遂舉其大略書之
蔣荆曰西泠詩派至樊榭而極盛亦極變也吾師獨振
以唐音四方名士過武林者無不出所業就正抱山堂
之名幾與隨園並峙江浙王太史夢樓贈句云直繼西
泠十才子獨匪南國一詩人其推重如此集中五古清
醇簡古七古縱橫變化有天馬行空恣獍抉石之勢五
律純得杜神七律聲情婉兩以盛唐參中唐絕句則在
唐宋間一字之疵不憚百改胸襟坦率接人以
誠篤行潛修卓爲儒林模範非僅以詩鳴也

題唐明皇鬥雞圖

旭日射堂人影動丹青黯澹烟光重高义一燈鬥雞圖矯首
相看便驚竦衣冠約略皆唐裝人物意態分毫芒賈昌率童
抱雞至花冠上指神揚揚引開草色排春場明皇勒馬駐不

發左右環觀顏色悅灑將芥粉颯霜毛薰得狸膏森戰骨低
昂怒目光不定金距盤拏各馳突一雞兀立峙上風不虞失
勢遭顛蹶一雞佯俯旋聳身意欲中人在倉卒由來狡獪豈
自雄外假蠢懦藏其鋒祿山雌伏定颺去敗奚請斬王應從
優容翻使全羽翼騎驪西狩傷飄蓬上皇白髮歸來晚空教
蜀道驅長坂鼙鼓喧聲動地來綺羅香影隨烟散爲問雞坊
尚有無曲江宮殿長青蒲外作禽荒古有戒令我觀圖增歎
呼

走索行

一夫導前鳴銅鈺有婦結束肩隨行三义路口喚戲索兒童
拍手歡相迎好事圍場斂錢急堵牆觀者羣爭集衆中側出
掠雲鬟勢欲騰空翻卻立回眸躍上神力超兩傍齊駭聲喧

翫娉婷意態獨整暇垂楊閒擺風中腰高步堂堂一徑拓此
時眼底如無索往來絡繹驚飈馳失勢一蹶力不支翻身倒
垂猿挂樹半寸腳尖鈎索住旋空忽作轆轤轉亂捲烟雲目
爲眩人羨精能伎倆無我獨相看爲歎呼耕耘紡績棄不事
輕身重利寧良圖答云尊官莫嘲讓行乞由來非所尚江田
米少征稅無衣食翻懸一繩上頻年踏徧天涯路泣下吞聲
難盡訴譁然擁隊人競呼嗚鉦又向前村去

登報恩寺塔

長千古塔高切雲琉璃錯采光氤氳郎當風鐸晝夜響十里
五里遙相聞我初見之心已壯鼓勇先登神氣王蓮花座畔
試攀躋宛轉梯空曲相向九級真同上九天置身頓在層霄
上秦淮水一線牛首土一坏三國及六朝英傑歸蒿萊何況

前明燕王南下一飛燕飛來卻趁金川開天位篡竊史肯恕
忠良屠戮人皆哀卽此惡業已難懺建塔那得消餘災浪傳
發願感舍利白毫隱見銀濤堆我思此理不可得佛布慈雲
蔭南國愁慘偏逢好殺時舍利猶存光必匿得非殉難諸臣
膏流血燐火光騰出深黑撞鐘伐鼓渡慈航難免千人萬人
泣甄工創建總徒勞畱與今人駭雄特老僧邀我看塔燈弔
古蒼茫淚沾臆

秦檜齋僧鍋

南渡中原望恢復北轅不返徽欽辱檜之賣國騁老姦鼎折
寧惟覆公餗堂堂鄂王真孤忠旌旗指日趨黃龍密謀頓起
風波獄十二金牌失戰功是時煨鍊沈寃結羅鉗吉網無遺
窟天人共怒惡業深禱佛安能一朝雪我思地獄多變相刀

到鑊煮森相向請君入甕會有時彭越之烹檜則當何爲鑄
此飯山僧穢物偏教壽無量乃知懼罪過招提裨史流傳或
非妄君不見棲霞嶺呼起高墳石馬中間置鐵人樵夫掎擊
游人睡無復當時丞相嗔自經野火金皆樂洞胸穿脇肩如
削不如此鍋銷卻鑄權姦墳前長跪秦長腳

秋夜聞潮有感

錢塘形勝古莫比曲江名從枚乘起一日秋潮兩度來滿城
人住江聲裏吾家恰在吳山傍樓高遙見江雲黃夜永燈昏
羣籟寂耳邊忽覺來洋洋初如春雷乍起蟄殷殷填填聲未
集旋疑鐵騎金戈奔蕩搖地軸翻雲根馮夷擊鼓浩呼洶想
見一氣浮乾坤近聞海上烽烟逼樓船風閃旌旗色武備雖
修盜未平出沒波濤頗難測安得壯士縛長鯨灌燧銷鋒靜

不驚老夫作罷河清頌高枕江村聽此聲

題張鐵橋畫馬

鐵橋道人能畫鷹疎身決肯思飛騰尤好畫馬窮神力含毫
先具空羣識此圖是貌青花驄標格矯矯如游龍附筋樹骨
高四足星輝電閃方雙瞳憶昔春郊騎射時一馬權奇頗似
之神全氣穩非凡相那肯輕邀伯樂知奚奴牽出長林下霜
鬃霧鬣真瀟灑躍上雕鞍縱轡馳縱橫萬里無原野黃塵滾
滾捲空來一陣旋風不見馬廿年過眼定沉淪英姿彷彿丹
青存于今征車須駟鐵歎息人間空市骨不若干金購此圖
始知龍馬無時無

招勇將軍寶刀歌

秋河閃閃明星高當天枝鞘天爲搖鯨鯢可斷鐵可截瞥見

兩浙輜軒錄補遺

卷八

三

百鍊將軍刀將軍起家備宿衛八尺身長氣精銳引滿時彎
玉靶弓騰空獨縱金絲轡龍鱗袋貯呂虔刀獨立昂藏一戎
帥憶昔旌麾駐九溪跳梁矜狺喧鼓鼙青布纏髻身裹皮短
刀林立利若犀懸崖絕壁紛攀躋綿亘山谷聯東西狼烟冲
天鳥不集將軍提刀竟深入一片刀光電影飛鹿駭猿奔盡
驚逸五寨居然一日平報捷軍門抑何疾南山大箐賊尚屯
將軍問道披荆榛墮坑傷足不暇捫直搗巢穴清餘氛生擒
俘虜幾千輩苗欲祈生向刀拜將軍殺叛不殺降那忍株連
同拔薤後車摑載獲芻糧勁卒搜羅陳器械笳鼓喧闐奏凱
還饒歌作罷真雄快餘苗歸洞荷生成謀建生祠奠醪醢歌
呼跳月醉蘆酒五十餘年慶太平近傳騷動辰州傍出洞標
掠還這颯嗚呼安得再生將軍鎮苗疆賣刀買牛輸官倉

聖世服疇歌樂康

奚

岡字鏡生錢塘人著

定香亭筆譚鐵生曠達耿介閉門謝客雖要津投刺乞
畫非其人不可得見亦不能強也六法之外截古篆刻
靡不精妙詩抒寫性靈超然絕俗如其人
汪稼門方伯欲以孝廉方正徵之不就
湯禮祥曰杭郡以畫名者自華秋岳後卽推鐵生九歲
作隸書及長工行草篆刻詩以淡雅爲宗時有奇氣爲
人放縱不羈豪於飲人目爲酒狂所交自余輩十數人
外未嘗妄見一客大吏至浙者常屏騁從訪之而中丞
阮公廉使秦公物色尤勤然終不一見也晚歲遭奇禍
旬日中盡喪其三子一女不數月家燬於火居甫定又
喪其母既除服而鐵生死古來文人之厄莫慘
於此故錄其詩而備著之使讀者悲其志焉

遊寶石山

我登寶石山山瘦削寒碧巍然宰堵波天半卓孤立迴颺蕩
空林霜葉鳴策策側步怯危梯逼面起蒼石賞奇心固幽造
極境忽闢屬目送飛鴻烟江一痕隔冉冉空中雲轉瞬已無

跡浮生正如斯胡爲苦形役不若來山中優游愜所適醉臥
蒼松根不知烟磬夕

龍井片雲石

龍泓有片雲從龍布膏澤龍歸雲不飛化作巖阿石含氣常
氛氲滴乳仍濛濛巍然勢欲起屹立儼如擘何年天風吹一
朶墮空碧靈蹤出神巧幽竇漏虛白奇峯寫長夏愛此郭熙
格欲去三摩挲我有老米癖

南山紀游同湯點山徐秋雪作

雲根崿谿呀虛敞出神構應有古仙人養真此巖竇挂壁烟
蘿森入罅寒月透孤雲有時還遙睇隔林岫

石屋洞

出洞泉伏流泠泠發清賞竹風與之俱令我情一往吾聞音
樂鳥釋氏壯龍象如何山骨髓亦作宮商響

水樂洞

南峯臥烟霞日夕景萬狀古洞迷行蹤陟嶺發遐唱畫格愁
荆闕秋林展屏障會當凌層巔佛掌出雲上

烟霞嶺

峯迴石逕轉極目娛心意人語泉上亭磬響烟中寺落日山
更幽松篁弄寒翠我欲安枯禪於焉足高寄

理安寺

遊心愜素侶慮淡懷茲山日夕雲水秀因知塵外閒竹厨秋
茗苦石幢蒼蘚斑何時此巖麓開士畱禪關

鳳麓菴

落日水聲裏蘿逕轉山曲一僧出石林延我話松屋隔嶺風
磬清到門烟江綠茲辰展秋懷霜氣寒已肅

勝果寺

呂紀畫雁

昔觀徽廟寒磧圖雪色凜凜開江湖西風蕭颯吹黃蘆陽鳥
十百如相呼閒廳今展青瑤軸又見衡湘秋一幅誰其作者
呂扞揮老筆盤旋驚衆目獨開生面寫荒寒衰柳疎花散碧

灑萬里來時鬪塞遠一行飛處水天寬
指揮昔直仁智殿豈特徒工寫羣雁
進規立意秉忠貞蕙苑今猶稱筆諫
宅相雙石能繼聲畫禽最得禽之情
誰知更有呂文英贏得人呼小呂名

大雪湖上訪心公招賢寺用東坡聚星堂韻

披出漁蓑舟一葉玉削千峯萬峯雪
斜陽倒射爛銀光林谷微茫鳥飛絕
劫來湖上作偉觀注屐寒沙齒欲折
欣然載酒竟獨往水際樓臺看明滅
蘇隄宛若戰退龍僵臥中流許誰掣
孤山回首不知處但見松岡雲細纈
招賢老僧安枯禪紙窗竹屋聽騷屑
旋作圍爐半日畱共歎前期過如瞥
平生祗有邳壑與不辭窮討憑詩說
今朝真箇坐冰壺籬外野梅橫瘦鐵

丁巳首春過南屏訪雲公

獨行不覺遠烟密樹參差到寺開青嶂當門映碧池僧閒知
晝永山冷放梅遲偶檢藏經篋披圖記歲時

案頭有余畫冊迄今十三年矣

和陳曼生早梅

性冷務高格開時不待春卷簾驚屋角移策探溪濱香逗月
痕淺寒分雪鬢新由來多潔疾肯受軟紅塵

同余慈伯徐秋雪湯點山游韜光

老衲石林迹詩禪直到今亂泉雙澗落修竹四山陰出世消
塵劫頻過長道心同儕多勝概吾獨悵幽襟

陳春渠先生過冬花庵話舊

載酒紅橋賦柳枝廿年回首不堪思圖書已散江淹宅荷芰
應荒山簡池往事孤雲無定蹟舊交寒竹有眞姿知君老去

情多感不敢臨風誦此詩

首春至葛林園偕小師壽之過南屏

纔得清閒便出城野梅香裊一舟橫春如有約年年至老却
無端冉冉成銜岫日斜分霽細拍隄風軟蹙波輕南屏歸去
鐘初動多爾僧雛伴我行

寒夜讀元遺山詩

雪虐風饕逼歲殘遺山詩境最高寒夜深讀盡燭三跋筆老
氣如山百盤野史有亭名不滅孤臣無國淚難乾辨冤甘露
碑何在剩把陵川七字看

郝伯常有辨磨
甘露寺碑詩

余交湯點山十餘年矣文章高義與余最合庚申春日

以舊畫竹泉聽雨圖索題因賦此詩爲贈不足供一

笑也

竹泉聽雨小窗幽閒散翰君第一籌古調文章唐氣勢清言
人物晉風流肯懸雲後看山屐常繫花前釣月舟舊畫重題
感遲暮蕭蕭白髮已盈頭

秋日雜興

雨餘寒色滿荆扉散漫秋棠茉莉稀心自愛山身嬾出溪頭
閒却釣魚磯

西風策策振高柯欲試秋吟雜睡魔不是夜來村酒薄月明
溪上有漁歌

宋大樽

字左彝一字茗香仁和人乾隆丁酉舉人官國子助教著有學古集

王祖曰茗香詩掃淨一切追漢魏而上之李滄溟輩當變色失步惟五言近體迪功靈一稱堪把臂兒勿呱呱并序

淮海程勳子允元幼聘平谷劉氏女時康熙庚子歲

也尋兩家父母相繼沒女長寄食女道士允元亦誓
不復娶後以授徒漕艘抵津門訪知劉女在焉漕弁
爲之具巔末白縣令令俾合卺於聽事事 上聞表
其廬乃乾隆丁酉歲也蓋議婚五十餘年矣劉女父
名登庸

兒勿呱呱使兒有婦有夫若公若舅兒試呼兒試呼樂莫樂
他日伉儷之樂兒知無

兒知已孤誰爲之有室誰爲之有家兒不願有室兒不願有
家呱呱何以南呱呱何以北兒惟百歲之日猶呱呱

兒勿呱呱兒勿呱呱兒心親心親心當何如於乎於乎雌雄
之雉有時匹何時鳥反哺

贈弟

手足不離體離之痛難禁兄弟乖笑言已傷父母心勗哉娣
與妯母使人事侵笙磬兩不謀相遇猶同音同音興雅樂撫
我太古琴

大兒咸熙頻年教授鄉里今又將離我去有作

我不事生產但教兒讀書忍饑豈人情謀食於里閭去去非
所願不去竟何如所幸未離鄉日夕可言歸藹藹幾童蒙相
對如古初爾女已無母恐欲牽爾裾

珠簾泉

香鑪峯頂生紫烟玉京朝罷歸神仙神仙洞府隔人世是珠
是簾泉非泉珠簾十里等閒事何如常挂青山閒清風明月
入簾去簾中似有人翩翩桃花含笑而未語白石無情而誰
憐簾兮簾兮胡不捲吾將坐待三千年

懷楚中故人

美人如明鏡知我雙眉愁河漢渺無際芙蓉忽已秋夢隨今夜月飛渡岳陽樓對爾鼓瑤瑟相思楚水流

徐春田自蜀中來過余牧牛村舍賦贈

花下不高歌人生奈老何英雄千古恨祇恨樂無多今者大酺樂酌之金叵羅醉中猶涕淚昨向戰場過

贈朱秋巖

鬢年別母飽風塵盡改鄉音已十春莫向天涯訴離恨更誰知是異鄉人

張

謨

字在文一字養餘海寧增生著有訥齋詩草

陳傳經曰養餘少孤力學事母至孝常負米數千里外集中半皆思親之作故語多真摯

鈴山堂有感

堂址依稀落照閒廿年風雨坐空山笑他書史披應徧只少蘇家論辨姦

辛酉除夕

打破今宵五十三拈來妙諦問瞿曇絮行荆棘身多碍花落籬茵理細參逆旅並無經宿戀事親尙積一心貪悲辛客裏辛盤薦子舍誰人供旨甘

徐

鯤字北溟蕭山廩生

湯禮祥曰北溟家苦貧常館於余家爲人質朴多古意拙於言詞不修邊幅精小學中丞阮公視學時使編經籍纂註及撫浙重修是書以北溟綜其事居湖上之第一樓非招不入節署三年中未嘗以私事相干體寤廢力疾校書不少休息後病甚歸歿於家中丞爲之扼腕且周卹之

曹娥廟

問渡江頭立荒祠正夕陽苔衣侵玉座蛛網暗銀璫一孝生

兩浙輜軒錄補遺

卷八

張謐

徐鯤

曹秉鈞

三

人盡千秋過客傷殘碑猶可讀舊事說中郎

過興福寺

路繞荒渠一徑斜閒行聊入梵王家殘碑過客誰能問遺構
淳熙僧尙誇澹澹青山樓外見疎疎綠竹屋傍遮頽陽坐盡
歸心嬾滿目寒烟噪暮鴉

雨過

滿院槐花過雨涼飛飛乳燕語斜陽憑闌正自生高興吹送
一聲鄰笛長

湖上

滿湖春水綠平隄極目青山望欲迷却向水邊林下立一聲
懊惱子規啼

曹秉鈞

字仲謀一字種楙嘉興貢生官山陰訓導

俞寶華曰種謀文少受業於諸宮贊師齊少宗伯召南
學有淵源兼工書畫著有然雲老人詩鈔六卷壽如金
石佳日好人與梅花澹結
鄰中丞師所贈曹楹帖也

六月十六日看月江上

鮮雲浮碧空華月光皎皎夜山兀如睡江波望逾眇靜極溪
聲喧涼意落樹杪吾來山齋眠圓月看已飽熟聽吠涼蛤及
茲刈晚稻窺尊如有情入簾影益好此時南湖南葭花水環
抱流光千里同杳然鄉夢繞

不寐懷故園諸子

浙浙風吹樹明明月墮牀羈懷愁不寐秋漏厭偏長鴻雁書
千里蒹葭水一方故園吟社侶烟雨望歸航

俞寶硯

字琢軒
海寧人

俞寶華曰琢軒余仲弟也生于先朝諱山左濟陽官署
濟有開韶臺故小名韶後乃改今名焉性甘澁泊作事

周密位置一物必得其當詩文及寫生雖未入堂
與俱風格楚楚癸卯冬構疾卒名流爭哭以詩

春柳

春光誰漏洩楊柳日三眠苑冷花吹雪堤春浪舞烟懸帘村

店靜維艇野塘喧寄語章臺客腰肢好鬥妍

春日偶成

鳥鳴窗外竹花燦嶺頭春意趣從吾得何須問別人

史正義

字哲淵一字雲龍海
軍貢生有雲龍詩存

哀枚序云乾隆丙辰余宰秣陵延君淵權記室事愛其
詩筆清婉凡一切與人贈答倩其代作人亦不能辨之
唐人稱元微之愛龐巖
為其相若斯言是矣

同姚御瞻陳見亭昆季至聚寶山永寧寺水翠山房遇

雨沽飲分韻

乘興來山寺陰雲出洞天酒沽雙屐雨人坐一庭烟分韻聊

諧俗忘機可悟禪預愁難會合相與共流連

南歸留別

浪迹深慙水上萍漫勞今夜餞郵亭
鬢從久客無多綠燈入
離筵分外青海國歸帆隨候雁
天涯知己剩晨星何時載得
蘭陵酒重向紅橋共醉醒

龔培序

字念倫一字虛白仁和人著有竹梧書屋

送江西楊司馬之任

市橋州柳款行驂纔唱驪歌酒半酣
司馬青衫辭冀北詞臣
白髮夢江南吟詩惜別渾無賴
君去春歸兩不堪何日相思
債舊約天街攜手共朝簪

鮑吳條

字南有一字梅田餘杭貢生官湖南西平知縣

蔣炯曰先生官新喻日嘗雪寃獄與上官忤幾中危法
今大學士石菴劉公時提刑江西廉其事台縣士民就

神廟公翰上官卒得罪夫劉公嘉嘆舉其治行為僚吏最而先生亦以是乞歸矣此作因廉吏所遺比之吉光片羽

暮春舟次和韻

細柳疎烟重新蒲剪水輕雨餘鶯溜急谷外看花明捲幔平
舒畫停觴靜撫箏相期無別事在宥有蒼生

龔培學 字敏叔一字慢亭仁和人著有與古小齋稿

道出白蒲晤姜自芸庶常

不分翻從此地過到門春水漫藤蘿新鋤菜圃栽紅藥舊築
茆亭枕碧波竹屋秋燈閒玉局髣髴絲禪榻病維摩相看却話
當年事直欲停樽喚奈何

邵溥 字德施一字雨田餘杭人乾隆乙酉舉人官開化訓導

拔達克山進馬歌

拔達克山有名馬瞬息千里汗流赭大宛龍媒未足儔渥洼
神物猶居下

皇靈遠震流沙西一朝電閃馳霜蹄幸備天閑受驅策五花
雲錦燦金堤遐方慕義誠專一詎知

聖主長無逸旅葵貢雉非所珍馬駕鼓車奚足恤獨有

宵旰求賢心遠勝市骨懸黃金君不見罽駕猶堪歸統御况
復材呈六轡調如琴

龔

原字牧塘仁和人著有
十次蓮華亭驗卷

鄂城懷古

熊渠一脈剖符封埤垵巍峩扼要衝鄂渚君臣同蟻聚樊山
割據起狼烽芳洲草冷狂徒骨鐵笛樓空仙客蹤極目江波
流木葉漢陽萬樹變秋容

馬

相字漢棧一字補亭錢塘貢生

陳傳經曰補亭居西溪蘿竹庵映日憑白木几讀書聲琅琅與棹歌漁唱相答嘗客嶺南作詩雄辯九工七言長句集中如把酒洞天歌南宋皇妣墓諸什皆傑作也今散失殆盡爲之慨然

棟花詞

東風花信漸闌珊紫雪濛濛點砌殘無賴餘寒消未得子規聲裏倚闌干

邵志望

字東表一字璜溪子舉人由中書官廣西隆州知州

寄友楚中

寒溪滴微雨聲滿竹閒樓彷彿楚天遠寂寥雲水秋故人艱旅食湘浦滯行舟欲采蘋花贈烟波動晚愁

徐明極

字靜符西安監生

華日南曰靜符生平刻苦自勵博涉經史見異書必手自鈔錄尤工韻語當湖陸太史奎勳序其集

仙霞嶺

溪山過盡又溪山
行路方知行路難
盤曲已登三百級
鐘聲猶在白雲閒

沈元錕

字陶珍一字秀穀海寧人維基子官河南布政司都事

孫枚詩序畧秀穀爲余同年祝簡田姊婿在京師過從最數溫雅如玉聯吟品畫文采翩翩與弟唐亭有二沈目之

七夕禁用故實和祝厚臣韻

空外如聞笑語稠
酒醒人靜獨登樓
蒼茫纔過兼旬雨
高爽剛逢此夕秋
一抹雲華浮屋角
三分月色下簾鉤
夜闌多少嬌兒女
只解歡娛不解愁

馬

鎬字傳雲一字霞江海寧人候補主事著有學耕軒吟草

汪嘉穀曰霞江少孤力學嘗以所作質諸秦小峴廉訪一時名士大夫如潘德圃錢漁莊金鄂巖諸先生俱盛

之稱

賀錢漁莊農部移居

郎官清秩玉壺寒，身具無多到處安。
路接鴛湖蘭棹便，堂開畫錦酒杯寬。
卷簾對奕閒中趣，留客拈題醉後歡。
莫使耆英思結社，蒼生已作出山看。

龔大銳

字君懷一字鹿萃西
安貢生官嘉興訓導

爛柯山紀遊

吾聞崑崙之山縱橫一萬一千里，中有五色雲光五色水。
又聞蓬萊之山四百三十有二峯，峯峯削出青芙蓉。
梅花香湧自成海，迷茫月影來仙風。
崑崙蓬萊不可即，青霞洞天亦奇特。
攜糧蠟屐恣勝遊，巖畔桃花望如織。
行行重行行一徑喧，松聲松頂老鶴駭飛去。
虬枝扣戰雙龍鳴，似松似龍態矯變。

忽見長虹亘匹練奇石隨地化爲梁腹貯嵐光通一線洞門
幽敞無塵緣傳聞此地棲神仙觀碁樵子訝柯爛着殘一局
忘歲年琴歌杳杳仙何有楸枰尙飭山靈守山靈隨意弄謫
奇攬入烟雲迷洞口攜雲入袖雲忽飛須臾仍覓天門歸銀
河滉瀟逼衣冷勢將一瀉傾珠幾其前峙危亭其後藏深谷
峻嶒倒插萬重綠俯矚他山不盈矧陰陽摩盪削襟開置身
疑上金銀臺李白夢遊來到此底事孫綽誇天台嗚呼人閒
難覓長生草誰識此山卽仙島藥鑪丹竈羅列精只須贈以
安期棗仙乎仙乎如不還吾將坐待山中老

毛儀點

字聖與一字悠齋遂昌貢生官浦江教諭

華日南曰悠齋先生能琴工書少孤事母至孝與兄儀
叢極友善官浦陽以品學相勵及歸趙廣友赤纈贈詩
云年齒最高猶健學天心良厚復縫闕蓋服其古處云

攜琴遊西林庵

翛然散步訪西林，歷盡松崗傍竹陰。
古剎苔痕殊世路，老僧道貌絕塵襟。
誰尋佛偈三生石，爲撫冰絃一曲琴。
解得如如清淨理，且從鐘梵結知音。

蔣清漣

字源桂，一字篠川，餘姚人。著有篠川山房集。

冬日山樓晚眺因懷韓象坡

雕摻雲物竟無憑，百尺危樓此獨登。
歸鳥逆風難到樹，流泉背日易生冰。
誰家塞向非黃土，是處樞門只紫藤。
遙識袁安未高卧，鵬梅花外射書燈。

鄭筠

字竹初，錢塘諸生。

鄭勳曰：族弟竹初，世居慈谿，爲名進士。雪崖先生之曾孫雪崖先生遷居錢塘竹初，能承家學書法。趙文敏詞賦亦爲時輩推重。

題族兄飭香雲湖觀梅小影卽次原韻

古枕自昔推逋仙環峙三百孤山巔東風飄忽破冰萼空濛
香靄騰雲烟明州天闢靈奇格西子雲湖擅雙絕冷嵐吹散
午曦和千株萬株渾一色嶺之南北次第開此地花光一例
迴絳蔕破臘隱么鳳疎枝掠月橫青苔深藏縞袂關常掩香
雪茫茫雲冉冉祇恐春歸與易闌前身却借生綃染灞橋不
用挈奚童只此披圖記舊蹤夢回紙帳詩初就韻落江城月
正中柔情燕昵林君癖元方豪宕逾千億我當相從駐甬東
水霜細味尋詩脈

華

瀚字奕芳一字友
月遂昌貢生

華日南曰世父月先生少耽經術善彈琴工繪事
惜早世未竟其志詩文稿多散佚僅得紅葉詩錄之

紅葉

同濟車車金不封
卷之
穠花開落又經年
逗出春光夕照邊
轉訝殘秋翻弄色
誰憐
老幹不知妍
添將金碧空中畫
結得風霜靜裏緣
惆悵洞庭
波渺渺空闌誰與鬥吟箋

顧

鵬字九成一字雲
林海寧歲貢生

登吳山放歌

孤峯秀嶠天目東
鳳凰左折毛羽豐
嶄然跨踞會城裏
曰吳
曰伍諧聲通控引
江湖似襟帶天然
位置非人功
棧齮層級
堦砌疊闌闔四匝
塵飛紅我來登陟
續幽契攀蘿捫石
經仙
宮振衣縹緲到絕
頂疑由方丈蓬萊
中海日江潮互俶
詭萬
千氣象俱牢籠
須臾雷聲足底震
蛟龍拏攢搏鴻濛
委宛山
搖鑑湖走白波如
練晴雲空蒼茫獨
立感舊蹟矯矯伍
相眞
英雄後人追祀飾
廟貌紅旗白馬招
精忠明湖俯瞰波
激灩

雙堤夾水飛長虹湖中蕩漾木蘭柁湖上馳逐迎錢曉南屏
鐘聲出樹杪四圍樵爨烟萬叢縱觀一燈好圖畫東南勝概
今古同堂開有美懷梅守歐陽作記尤推崇安得長髯隴西
客筆陣直挾偏師攻餘興未已悟禪悅僧房茶話借山翁天
花歷亂梵宇靜又似訪道來崆峒瞥眼斜陽掛山寺衣香人
影都匆匆撥雲歸去塵慮滌濤聲萬壑迴松風

吳東發

字侃叔一字芸父海鹽歲貢生著有石鼓讀九經考異四銘釋文等書

楊乘初曰芸父性高潔不慕華靡精金石考訂之學兼工書畫詩格奇崛磊落著有石鼓文讀等書錢竹汀官

詹稱其筆掃千

軍非虛譽也

中丞阮芸臺師招謫蘇文忠祠之讀書堂卽席紀事

但看花柳知民樂不藉干戈靖海氛經術從來優幸世酒樽

還勸細論文特邀名宿江南傑

是席以王述庵司寇爲賓陳古華太守主之

忝列

英年冀北羣知否坡仙亦珍重環祠彩翠弄晴雲

懷張彥才南廬

賦閒愛爾閒無事竹几藤牀雲母屏白日遲遲人悄悄木樨香裏寫黃庭

和張友南廬夏日園居

彈餘綠綺還調鶴寫罷黃庭漫炷香松竹攬參人不到時疑風雨打窗涼

宓

英

字濟清一字再山慈谿諸生

鄭勳曰再山年少有志學問負笈武林所交皆名士意氣傲岸不屑屑章句嘉慶八年與余同寓吳山初秋感寒疾歿于寓年僅二十九悲夫

寄寓吳山鄭簡香亦來下榻喜賦

寂靜江樓月色侵幾回路香夢中尋惠來不避傾盆雨剪燭

西窗慶盍簪

盛炳烺

字餐霞慈谿諸生

鄭動曰餐霞劇韻儒雅爲甬上後起之秀嘗咏牡丹詩二十四絕句一時爭相傳誦云

題鄭簡香徵士二硯窩

鬱攸下取萬縑緗劫後誰尋舊草堂
兩硯天容三筆守千金
人說一壺價墨花褪繡朝呈彩
藜照涵青夜有光
廉石高風終不泐
客寮端合付珍藏

周如旋

字履祥一字稱村蓮孫彥國子海寧諸生

陳鴻猷曰稱村表弟讀書許氏恭止居間字於子嘉其少孤力學能詩文工書法學使文達臯先生歲試遊庠未幾天卒因作小傳痛惜之

壽補齋館中作

岑寂空齋攬素華何須彈缺歎辭家
一簾明月穿疎竹半壁

寒燈照落花
蝶夢迷離香
不斷櫓枝欵
乃水無涯漏
聲不敵
書聲永謝却
羈愁興轉賒

示許篠軒表弟

年華不我待
自顧剩微軀
貧豈書能救
才還命與俱
在家憐
慘澹作客歎
馳驅且剪西
窗燭論文慰
索居

鎮海塢

占熬古塢峙
城東作鎮鹽
官七級崇雲
去天容迷蜃
闕潮來
水勢撼龍宮
到江分野收
吳境隔岸名
山認越中
試向深宵
登絕頂海門
遙指日輪紅

吳元燈

字上春一字青
谷龍游諸生

湖畔草堂夜集

銀燭金樽玉漏遲
連宵幸與故人期
鸞箋染翰詩盈袖
琥珀

浮香酒滿卮爛漫無心真故我疎狂成病罷招醫歸來夜
添新夢多在湖邊笑語時

石大成

字輝山一字錯
龍象山諸生

日暮

花影斜陽淺蟬聲古樹深水浮青石髮雲宿白山心小院初
晴出方池薄暮臨却將無限意徙倚白長吟

陳仁言

字慎齋金
華諸生

過丹村別墅

數椽老屋小於船秋水蒼葭別有天平遠山中無限趣滿門
落葉伴雲眠

何魯

字若曾一字鈍
菴江山諸生

白菊花

幽姿遙與玉梅爭何事高風獨擅名霜裏孤芳甘沒漠素心
誰道不冰心

李

璜字鴻舒一字淑齋海鹽諸生著有小窗偶錄佳聞手編

冒雨權鴛鴦湖

三點五點雨一枝兩枝花看花冒雨去沿流沉輕艇雨聲漸
大花影瘦落花流水水紋皺開篷忽對鴛鴦湖雨雜烟光縈
春晝烟橫雨細停高樓珠簾錯落鈎銀鈎一聲高唱入雲去
鼓棹從之渺何處

楊裕曾

字寬達一字猛菴龍游諸生

秋雨

寂寞清秋晚廉纖細雨宜溪喧山水漲籬沒菊花姿旅雁聲
哀處庭梧葉落時爲憐遊子夢滴碎故鄉思

韓

棟

字鐘岳一字湘南蕭山諸生

孫度曰湘南穎悟絕人髫齡入泮屢試冠軍名噪藝林諸才人輒避其鋒年二十三而卒周青崖進士序其遺稿曰湘南才氣無雙直與國初諸家並馬馳突詩亦搜剔幽險呼音中羽時多慷慨

閒居

結屋丹巖裏雲盤小徑深研朱搜竹露枕石就花陰笛製懷人曲琴調愛月心長門不買賦誰復贈千金

初夏泛舟湘湖懷西湖同學諸子

蘋綠莎青香滿船涼風深處噪新蟬荒村樹暗黃梅雨平野人畊蔓草烟鷗鷺洲中沙似霧鷓鴣聲裏水如天舊游何處聯裙屐越嶠吳門落日邊

韓

琛

字南遼蕭山布衣著雲蘿詩稿

韓徹曰雲蘿山人碑見洽聞終日吟詩自娛跌宕于湘湖漁浦閒陳山堂太史稱其詩能貫通古作家風旨而有所發于象甫書

卷八韓琛

徐名燕

曹廷文

自出性靈
良不誣也

遊振錫菴

沙棠一檝渡江封夾岸英多桃李容廢井寒烟生遠樹斷橋
流水落疎鐘爐香冉冉人如佛隴麥深深僧亦農爲眺晚山
橫亘甚却疑青處是雲峯

徐名真

字醜有蘭翁諸生
著澹吟軒詩草

瀧中吟

亂峯圍抱斷還連急水滌洄折復旋最是子陵灘下路畫舂
叫徹夕陽邊

曹廷文

字岐言蘭谿諸
生著訥菴詩草

明趙文懿靈洞山房圖

高館撐來半壁天山中景物尙依然僧廚忽進桃花飯小住

樓真五百年

蔡星查

字秋乘德
清諸生

徐珊仲讀書高池山却寄

書劍出門去蕭然太素宮日長千卷少山靜萬緣空
支彩朝霞外吟聲夜磬中憐予孤館客不得誦絃同

北風吹暮雨山館定如何涼思應先到秋聲想漸多
澗泉飛嶺樹野鶴下庭柯發興尋雲壑明當著屐過

魏光烈

字觀揚桐鄉貢生

汪嘉穀曰觀揚女月如適海鹽陸孝廉以謙工詩兼擅山水

皂林驛晚眺

昔年爭戰地遺蹟莫追尋古驛留殘照疎蟬出遠林
雙橋烟水澗孤寺佛燈沉極目荒原遠淒涼動客吟

華口融字照亭一字春圃遂昌人乾隆己酉

拔貢生候選教諭著蕉石山堂詩鈔

陳傳經曰春圃于戊申夏為朱石君先生招集省試從

場屋中訂交庚戌

廷試歸歷主須江開陽講席多所造就以廬墓居衢郡西鄉

讀書之餘雅好施與王戊大饑傾貲賑卹全活無算其

詩皆粹然儒者之作癸亥夏遊疾以歿余有詩哭之曰

孝弟兼慈和為善身有極鄉人無智愚咸頌君之德蓋

紀實也其弟復堂亦淵雅能秉兄教云

七月晦日晚遊遣興

作意吟詩句屢刪為乘秋興向溪山晚烟碧水孤村外落日

紅雲疊巘閉早有露華滋桂蕊尙無霜信老楓顏歸來忽聽

吹簫鼓知是田家報賽還

秋夜感懷

遣愁中夜坐吟詩愁緒偏多若亂絲戶外蟲聲添我恨燈前

心事有誰知蒼山迢遞家鄉在故里在括蒼西二百餘里激水東西兄弟

離更駭秋風攪庭木思親夢裏不勝悲

楊紹裘

字學良一字治堂又字餘山餘姚人官遼義知府著餘山詩稿

邵瑛曰治堂天才卓犖善詩古文辭下筆不能自休少故沈懷有不可一世之志當應京兆試得而復失便從宦去自如上思州歷典大郡所至多惠政其在臺黔也皆總軍需局不動聲色供辦裕如督藩倚如左右手暇輒與幕僚試詩故所作最夥一官一集又精於臨池出入晉唐晚年轉道嶺別自成家人謂不減董文敏俄卒於官未竟其用

到家

行年六十鬚半白齒牙搖動身瘦瘠三握銅符辭九天一舟會向重洋隔家人遙睇眼欲穿欲歸不歸年復年游言騰沸增悒悒海外梗澁愁綿綿秋中晦日漏三下到門乍見人相訝崑崗火爰玉石焚此論恒情共驚怕未來現在我何心兒孫不用遣黃金來時行李去時載蕭然囊橐開素襟世事

早知無定處惟有老衰推不去聊將眠食自安排肯以文辭
招毀譽容至設心晨夕歡禁口勿議冷熱官香爐茗椀就書
榻畦菜青青籬菊團

白堦洋

照眼波光百頃平浴村竹樹暮烟橫白鷗一隻斜飛去驚起
疎鐘堦寺聲

江上行人日往來烏篷紅榜畫圖開橈歌聲裏琉璃碧一尾
鮮鱗酒百杯

張維宗

字慈如一字
柳村嘉興人

李富孫曰柳村工書嘗臨淳化閣帖孫過庭
書譜俱得神髓詩亦揮灑自如不隨俗態

過橫溪與莊在心話舊

每過幽閒地盤桓典不忘魚肥春水潤飯熟稻花香把筆書

懷抱停栢問短長秋雲任厚薄何處着炎涼

馬

緒字鑿操一字漁村海鹽監生有抱栢居詩

何其序畧抱栢居詩本以溫柔敦厚之性充以淵綜博奧之學長篇短製得古作者意趣

武林曉發

鳴雞喔喔夜闌時起赴長途未覺暹曉入樓頭人不見春回
江上鳥先知茅菴旭日暄齋鼓野店微風颭酒旗一片孤帆
泊何處臯亭山下樹參差

冬暮閒居

豈學袁安臥柴門竟日關風暄修竹裏雪點小樓閒啼鳥有
時寂梅花相與閒擁爐聽水溜亭午正潄潺

春夜游北郭

枯坐惜良夜招邀郭外行波明知月上衣薄怯寒生野火移

人影漁歌雜櫓聲還愁懸夜鏞風外聽傳更

周光葆

字映斗一字霽園龍
遊人乾隆己酉舉人

余習日霽園先生精神疎朗談論風雅交遊皆名士父晚亭兄都欽皆老成積學

與吳春臺登眞武山寺次韻

不識豸屏路相從到梵林嶺高青靄合門遠暮鐘深寂寂諸

天靜沉沉衆壑陰逃禪非有意聊與洗塵心

汪大椿

字翰之一字石帆秀
水諸生著石帆詩草

新柳步錢裴山韻

如海春光綠正饒年來瘦却楚宮腰和風舊曲悲三駭微雨

新愁憶六朝輕粼麴塵低驛館薄垂青縷露山橋章臺攀折

知多少誰惜長條與短條

柳寶瓘

字國客蘭谿隴生母歿後悲思成疾有淚草二十二章

淚草

春光無分故園來
手植寒香徑有梅
痛殺上塘寒食夜
月明鶴唳繞泉臺

勞動躬爲僕婢先
未曾開晏畫堂前
清霜冷透孤燈焰
絡繹聲中抱子眠

勉讀詩書漫送窮
莫將細帙付飄蓬
如今痛定還思痛
心碎彌留數語中

柳兆烈

字紹謨 講義諸生著 有解經雜錄 瑞衣文稿 汗亭詩草

過浦陽塢山嶺

峯迴路轉午雞啼
知有人家住隔溪
筍轎伊嘔頻問訊
塢山當面與雲齊

林中麒

字漢闢 平湖諸生

兩折曾軒綠浦豈

卷八

柳兆烈

柳兆烈

林中麒

昌

懷楊乙雲少府從軍

翩翩書記遠從征，月落河梁別思生。
鸚鵡洲邊江水逝，鳳凰廳外陣雲橫。
前軍應度奢香驛，鄉道曾收濟火兵。
珍重草元當代筆，早銘銅柱報功成。

余開泰

字啟君龍游諸生

余習曰：啟君先生業師巽泉先生之尊甫也。精于講易問卜者，雲集于門。余曩受業時，見詩稿，哀然成集，今存者十不

秋夜

沒烟韻晚鐘，寒蟄語孤月。獨有素心人，倚樓一聲笛。

錢繩祖

字紹彭一字杏溪嘉興監生

陳鴻壽曰：杏溪爲丁小鶴弟子，幼博綜經史，百家言詩，得中唐風力，吳澹川南野堂筆，託采錄甚多，惜早卒。著有韓詩內傳考證，凝秀堂詩文集。

竹

濃陰撥不開萬个環我室周遭及亭池涉足患梗漉影蔽妨
月來葉遮礙風入呼童急芟除亂髮快一櫛黃刪數番去綠
竦萬竿立此意童不知揮鋤如使筆務期埽陳言始得精意
出

白隄晚泛

言尋白隄去一葉蕩湖邊傍岸鳥呼客推篷山到船疎花殘
雨後織月夕陽前薄暮未歸去清歌何處筵

葉錫元

字汝調一字步瀛龍
游入著有梅墅遺詩

陳傳經曰梅墅聰穎過人尤工韻語每伸紙長吟有宿
學老成所不能逮者設天假之年充其學力定當拔幟
騷壇乃年未弱

冠而天惜哉

余習曰同里葉君步瀛九歲能詩磊落英多羣目爲後
起之秀尊甫質生先生鑑其遺稿余讀而悲之亟爲登

兩浙翰軒錄補遺

卷八

葉錫元

墨

載焉

雨聲

瀟瀟連日雨寂寞不堪聽
月暗拋鴛瓦風欹溼畫櫺
細敲三徑竹亂颺一池萍
窗外時聞展行將何處停

送春

朝來無計挽春行那得
漠濛不放晴拂水垂楊空
有意滿林啼鳥正多聲
綠烟影裏千家雨紅粉樓
頭萬里情兩岸落花兼遠
水載將穠艷到蓬瀛

謝輔丞

字燮元號理堂又號借軒鎮海諸生

謝聘賢志略兒穎悟淳志于學方學爲詩太孺人從夜讀時告以六歲失母諸苦狀嗚咽不能成誦因賦五言古詩哀音動人事繼母費亦極孝好考核經義于王深寧閣百詩毛西河戴東原萬充宗全謝山諸家之說尤肆力焉又欲取戴氏割屬五十九圖與朱子啟蒙彙爲一編而以江梅各家之說附之積勞成疾而卒可哀已

贈薛子夙

素性從剛簡行生更拙謀仄塗那可問微尚自難酬世或爭
奇飾君猶念傲裘最憐知己意高詠且忘憂